

**ՀԱՅԿԱԿԱՆ ՍՍՀ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ
ՀԱՍԱՐԱԿԱԳԻՏԱԿԱՆ ԲԱԺԱՆՄՈՒՆՔՆԵՐԻ ՄԻԱՑՅԱԼ
ԺՈՂՈՎՐ**

Հոկտեմբերի 30-ին ՀՍՍՀ ԳԱ նիստերի դահլիճում տեղի ունեցավ ՀՍՍՀ ԳԱ պատմության և տնտեսագիտության, փիլիսոփայության և բանասիրության բաժանմունքների միացյալ ժողովը, որի աշխատանքին մասնակցում էին Հայաստանի կոմկուսի Կենտկոմի քարտուղար Ռ. Արզումանյանը, ՀԿԿ Կենտկոմի գիտության և ուսումնական հաստատությունների բաժնի վարիչ Ա. Մելեքյանը, տնտեսագիտության բաժնի վարիչ Մ. Քարանյանը:

Ժողովը ներածական խոսքով բացեց ՀՍՍՀ ԳԱ փոխպրեզիդենտ, ՀՍՍՀ ԳԱ ակադեմիկոս Գ. Գալստյանը: Հասարակագիտական բաժանմունքը երկու բաժանմունքների վերածվելուց հետո, ասաց նա, այսօր առաջին անգամ ենք հավաքվել լուրջ խոսակցություն բացելու մեր անելիքների մասին: Իսկ դրանք շատ են և այսպիսովորված են այն խնդիրներով, որոնք մեր առջև դրվեցին ՍՄԿԿ XXVII համագումարի կողմից և գործնական ձևակերպումներ ըստացան հասարակագիտական ամբիոնների վարիչների վերջերս տեղի ունեցած խորհրդակցությունում՝ ՍՄԿԿ Կենտկոմի գլխավոր քարտուղար Մ. Ս. Գորբաչովի ճանաչում: Մենք ապրում ենք արմատական վերափոխությունների, սպառումների և հույսերի մի ժամանակաշրջան, երբ կուսակցության առաջադրած արմատական խնդիրների լուծումն անհնար է առանց մեր զաղափարական-տեխնիկական գործունեության ակտիվացման, հասարակական գիտությունների դերի բարձրացման, առանց սոցիալական ու քաղաքական հեռանկարային կողմնորոշման:

ՍՄԿԿ XXVII համագումարից հետո նկատելի են տեղաշարժեր նաև մեր ինստիտուտների վերակառուցման, գիտահետազոտական աշխատանքների պլանների ճշգրտման, ԳԱ հրատարակչության գործունեության բարելավման ասպարեզում, մշակվել է ժողովրդական զանգվածների ինտերնացիոնալ դաստիարակությանը նպատակամղված գիտական հետազոտությունների և կազմակերպական միջոցառումների համալիր պլան: Մեր ժողովրդի հոգևոր կյանքին մշտապես ուղեկցող երևույթ և ինտերնացիոնալ դաստիարակության կենտրոն

աղբյուր է հայ և ռուս ժողովուրդների պատմական մեծ բարեկամությունը, որի դիտական հիմնավորվածության մեկնաբանումը և այդ զաղափարների պրոպագանդումը միշտ գտնել է մեր հասարակագիտների ուշադրության կենտրոնում: Մշակված է ռուսական մշակույթի, ռուսաց լեզվի խոր ուսումնասիրության պլան՝ հայ-ռուսական պատմական ու մշակութային կապերի հետազոտության բացահայտման համար: Անդրկովկասի եղբայրական հանրապետությունների գիտությունների ակադեմիաների պրեզիդենտական խորհրդի հանձնարարությամբ մշակվել է համատեղ աշխատանքների պլան: Նախատեսվում է մասնավորապես առաջիկա տասնամյակում հրատարակել փաստաթղթերի եռահատոր ժողովածու՝ նվիրված Անդրկովկասը Ռուսաստանի կազմի մեջ մտնելուն, կոլեկտիվ մենագրություն՝ նվիրված հայրենասիրական և ինտերնացիոնալ դաստիարակության արդյունավետությանը, ազգային լեզուներով երկլեզու բառարաններ և այլն: Հատուկ հոգածության առարկա պետք է դառնա Անդրկովկասի ժողովուրդների վաղ անցյալի պատմության հարցերի մշակումը, այն հաշվով, որպեսզի վեր հանվեն մեզ իրար կապող պատմական երևույթները, որպեսզի պատմությունը ծառայի կոմունիստական շինարարության շահերին:

Այսօր մենք չենք կարող ասել, թե մեր այս կամ այն ինստիտուտը հանդիսանում է երկրի առջև կանգնած որևէ նոր պրոբլեմի տեսական իմաստավորման հեղինակ: Մեր հասարակագիտների մեջ ինչ-որ չհաղթահարված կաշկանդվածություն, անհամարձակություն կա տեսության ոլորտում նոր խոսք ասելու նրկատմամբ: Մենք, որպես կանոն, Կենտկոմի հարցերում հանդես ենք գալիս ավելի շուտ որպես արդեն ճանաչում գտած տեսակետների պրոպագանդիստ:

Լավ կլինի, եթե այսօր ելույթ ունեցող ընկերները ուշադրության կենտրոնում պահեն այն խնդիրները, որոնք դրվեցին մեր հասարակագիտների առջև Հայաստանի կոմկուսի Կենտկոմի Հոկտեմբերյան (1986 թ.) պլանում:

մի կողմից և պատասխանելին այն հարցին, թե ինչպես իրագործենք մեր վճռական շրջադարձը հեպի այդ խնդիրները: Խոսքը չի վերաբերում ժամանակակից պահանջներին ուսումնասիրվող պրոբլեմների և թեմաների անվանումները հարմարեցնելուն: Անհրաժեշտ է բարձրացնել բուն հետազոտությունների մակարդակը, փաստերի սթափ վերլուծության հիման վրա կատարել տեսական հիմնարար ընդհանրացումներ: Սրա վրա պետք է կենտրոնացվի մեր բաժանմունքների, ինստիտուտների ղեկավարների, կուսակցական կազմակերպությունների, գիտական բոլոր աշխատողների ուշադրությունը:

Հասարակագիտական ինստիտուտներում, նշեց Գ. Գալույանը, կատարվող գիտահետազոտական բոլոր աշխատանքները, նույնիսկ եթե դրանք վերաբերում են նախադարյան տներին ու դիցաբանությունը, ամբողջությամբ գաղափարական նշանակություն ունեցող գործեր են: Այս պարզ պատճառով էլ մենք շենք կարող այսօր, երբ առավել մեծ սրության է հասել սոցիալիստական և բուրժուական գաղափարախոսությունների միջև պայքարը, հատուկ պահանջներ ունենում շրջադարձի հրատարակվող աշխատությունների գաղափարական մակարդակին, սոցիալական հետազոտությունների իրական արդյունքներին, որոնք պետք է ծառայեն մեր հասարակության զարգացման արագացմանը: Հատկապես լուրջ ուշադրություն պետք է դարձվի սոցիալական ու տնտեսական կանխատեսումների հարցերին, ժողովուրդների բարեկամության կենարար ուժի բացահայտմանը, պատմական երևույթների ու դեմքերի, ազգային-ազատագրական շարժումների, բազմազան կուսակցությունների գնահատման ժամանակ դասակարգային մոտեցմանը, հայրենասիրության և պրոլետարական ինտերնաշիոնալիզմի գաղափարների նպատակաուղղված պրոպագանդանը, դաշնակցության հայրենադավ քաղաքականության մերկացմանը:

Պատմության, լեզվի, Հնագիտության և ազգագրության ինստիտուտների ղեկավարների ուշադրությունը պետք է հրավիրել նաև այն փաստի վրա, որ վերջին տարիների ընթացքում մեր ժողովրդի պատմության՝ լուծման ֆորոս հանգուցային մի շարք հարցերի մարտահրավերական մեկնաբանումները բաց ենք թողել մեր ձեռքերից: Մեկական ժողովրդի անցյալի նկատմամբ հետաքրքրության աճը ինքնին շրջապետ է դիտել, որպես հիմնադրի երևույթ: Պատմությունը ժողովրդի հիշողությունն է, երիտասարդությանը հայրենասիրության ոգով գաստիարակելու ամենակարևոր միջոցը: Գրել-խավորն այն է, որ այդ հետաքրքրությանը

հաղորդվի ճիշտ ուղղություն, թույլ շարժի պատմական փաստերի խեղաթյուրում: Այս կապակցությամբ հարկ է անդրադառնալ հայ ժողովրդի ծագման, Ուրարտուի և հարակից այն հարցերի շուրջը ծագած վիճաբանություններին, որոնք դուրս են եկել գիտական աշխարհի շրջանակներից:

Մեր մասնագետ պատմաբաններն ու լեզվաբանները, տքնելով հին կոնցպիտների բեռի տակ, շեն շտապում հանդես գալ իրենց կարծիքով: Ինստիտուտների ղեկավարները ընկալելու են տալիս այս փաստը: Անհանգստություն չեն ապրում բաժանմունքներն ու ԳԱ նախագահությունը: Բացը լրացնում են քսիրողները, որոնք իրենց բարի մտադրությամբ, բայց պատմական նյութի խիստ թերի իմացությամբ գիտական վիճաբանությանը հաղորդում են սխալ ընթացք: Իսկ մեր մամուլը, հեռուստատեսությունը, հրատարակչությունները հանդես չեն բերում զգուշություն: Մենք ավելի շատ էներգիա ենք ծախում բորբոքված վիճաբանություններում, քան որոնողական բրնույթ ունեցող այս պրոբլեմի գիտական մըշակման ասպարեզում:

Այս օրինակը ցույց է տալիս, թե քաղաքական ինչպիսի արդիական հնչելովություն կարող են ստանալ նույնիսկ հազարամյակների վաղեմություն ունեցող պատմական փաստերը: Ճառերով, կրքերի բորբոքումներով, որոշումներով այս հարցերը չեն կարող լուծվել, անհրաժեշտ է մտածել մեր ժողովրդի հնագույն շրջանի պատմության ու լեզվի ավելի խոր ուժումնասիրությունը կազմակերպելու, այդ ուղղությամբ բանիմաց մասնագետներ աճեցնելու մասին: Միայն գիտական անառարկելի փաստարկներով մենք ուժ կունենանք պատմության կեղծարարների դեմ պայքարելու համար:

Անհրաժեշտ է, այնուհետև շարունակեց Գ. Գալույանը, վճռականապես հաղթահարել մեր հին և քրոնիկ բնույթ կրող հիվանդությունը, երբ ինստիտուտների մշակվող թեմատիկան գերազանցապես որոշվում է ըստ առանձին գիտական աշխատողների նախասիրությունների: Գիտական խորհուրդները առավել ակտիվ ներգործություն պետք է դրսևորեն գիտական թեմատիկայի ուղղությունները որոշելիս: Իսկ բաժանմունքներն ու ԳԱ նախագահությունը առավել ուշադրությամբ պետք է ուսումնասիրեն ինստիտուտների թեմատիկ պլանները և հրաժարվեն ձևական մոտեցումից:

Այժմ, երբ հասարակական զարգացումն առաջադրում է այնպիսի պրոբլեմներ, որոնք առավելապես կոմպլեքսային բնույթ են կրում,

առաջնակարգ նշանակություն է ստանում հասարակական բոլոր գիտությունների ինտեգրացման հարցը: Մինչդեռ նախկին հասարակագիտական բաժանմունքը երկու բաժանմունքների վերածելը աստիճանաբար դրսևորում է իր բացասական կողմերը: Նկատելի է դարձել անշտապությունը հասարակագիտական ինստիտուտների միջև: Մեր ժողովրդի պատմության և մշակութի պրոբլեմների համատեղ հետազոտությունները մղվում են հետին պլան: Մենք գործնական քիչ քայլեր ենք կատարում մեր ինստիտուտների համագործակցությունը սերտացնելու համար: Հայտնի են օրինակներ, երբ նույնիսկ ամենափոքր հարցերը լուծելու համար տարբեր բաժանմունքների մեջ մտնող ինստիտուտները ստիպված են դիմել նախագահությանը: Կարծում եմ, նման աշխատանքը ընդունելի չէ:

Վերակառուցման պրոցեսին պետք է ակտիվորեն ներգրավվեն «Պատմա-բանասիրական հանգստա-ի» և «Լրարբեր հասարակական գիտությունների» խմբագրությունները: Անհրաժեշտ է բարձրացնել պահանջկոտությունը տպագրության համար ներկայացվող հոդվածների ներկայումս, պետք է հասնել այն բանին, որ պետքի ուղղորդված կենտրոնում պահվեն զարգացվող գիտական ուղղությունները, թափահաղորդվեն գիտական քննադատության զարգացմանը, հարձակողական պայքար մղվի բուրժուական գաղափարախոսության դեմ: Անհրաժեշտ է առանձնահատուկ ուղղորդված նվիրել մեթոդաբանական և աշխարհայացքային հարցերի լուսարանմանը:

Այնուհետև Գ. Գալույանը նշեց, որ հասարակագիտության գիտահետազոտական աշխատանքների պլաններում պետք է պատշաճ տեղ զբաղեն կապիտալիզմի և սոցիալիզմի պատմական հակամարտության հարցերը, գիտական հիմնավորվածությամբ լուսաբանվի ՍՄԿԿ-ի լենինյան արտաքին քաղաքականությունը:

ՀՍՍՀ ԳԱ փոխպրեզիդենտը անդրադարձավ հասարակության առաջնությամբ զարգացման մեջ մարդկային գործոնի ակտիվացման անհրաժեշտությունը, կադրերի հետ տարվող աշխատանքին, գիտության աշխատողների ուժերի խնայողությանն ու ճիշտ օգտագործմանը, նրանց կյանքի ու գործունեության կոմպլեքսային պրոբլեմների լուծմանը: Նա հույս հայտնեց, որ զեկուցումներում և ելույթներում ավելի կկոնկրետացվեն հասարակագիտության խնդիրները և հատուկ ուղղորդված կզարգանա բուհերի հասարակագիտական ամբիոնների հետ ակադեմիայի ինստիտուտների գործունեության կոորդինացման, աթենստական պրոպագանդայի խելացի կազմակերպման, գիտական հասունացած պրոբ-

լեմների շուրջը բանավեճեր կազմակերպելու և հրատապ այլ հարցերի վրա:

Վերջում Գ. Գալույանը նշեց, որ բաժանմունքների միացյալ ժողովը լուրջ ազդակ կը հանդիսանա կուսակցության XXVII համագումարի պահանջների ոգով հասարակագիտական ինստիտուտների գործունեության հետագա բարելավման, գիտաշխատողների ուժերի առավել արդյունավետ օգտագործման համար:

«ՀՍՍՀ ԳԱ հասարակական գիտությունների ինստիտուտների խնդիրները ՍՄԿԿ XXVII համագումարի որոշումների և հասարակական գիտությունների ամբիոնների վարիչների համամիութենական խորհրդակցությունում ՍՄԿԿ Կենտկոմի զխավոր քարտուղար ընկեր Մ. Ս. Գորբաչովի առաջ քաշած դրույթների լույսի ներքո զեկուցումներով հանգես եկան պատմության և տնտեսագիտության ու փիլիսոփայության և բանասիրության բաժանմունքների ակադեմիկոս-քարտուղարներ Բ. Առաֆելյանը և Գ. Բրուտյանը:

Սովետական ժողովրդի հասարակական, տնտեսական կյանքի և գաղափարական աշխատանքների վերակառուցումը, ասաց Բ. Առաֆելյանը, ամենայն սրությամբ առաջադրվեց ՍՄԿԿ XXVII համագումարում, իբրև կարևորագույն և անհեռաձգելի խնդիր: Գաղափարական աշխատանքների վերակառուցման նոր ազդակ հանդիսացավ ՍՄԿԿ Կենտկոմի զխավոր քարտուղար Մ. Ս. Գորբաչովի ճառը հասարակական գիտությունների ամբիոնների վարիչների համամիութենական խորհրդակցությունում հոկտեմբերի 1-ին: Այդ ճառը իր արձագանքներն ունեցավ մամուլում, կուսակցական, սովետական, գիտական և հասարակական կազմակերպություններում: Այդ հարցերին էր ներված ՀԿԿ Կենտկոմի 1986 թ. հոկտեմբերի 5-ին գումարված պլենումը, որտեղ զեկուցումով հանգես եկավ Կենտկոմի առաջին քարտուղար Կ. Ս. Դեմիրճյանը: Նույն հարցերը քննարկման առարկա դարձան նաև ՍՍՀՄ գիտությունների ակադեմիայի ընդհանուր ժողովում, որտեղ բացման ճառով հանգես եկավ ՍՄԿԿ Կենտկոմի քարտուղար Ն. Կ. Լիզաշովը:

XXVII համագումարը բարձր գնահատեց հասարակական գիտությունների դերը Սովետական Միության հասարակական-տնտեսական և գաղափարական զարգացման ու վերափոխությունների գործում: Մ. Ս. Գորբաչովի իր ճառում սրությամբ դրեց գաղափարական աշխատանքների վերակառուցման հարցը: Ընդգծվեց, որ զարգացող սոցիալիզմի արդի փուլում կյանքի երեկյալների և գործունեության:

րոյոր ոլորտների տեսական իմաստավորումը առաջմղելու ուժ է:

Հասարակական գիտությունները, շարունակեց զեկուցողը, իրենց դերը կատարելու համար առաջին հերթին իրենք պետք է կատարելագործվեն, իսկ դրա ուղին ձգվում է հասարակության վերաբերյալ մարքս-լենինյան ուսմունքի հզոր զենքի՝ դիալեկտիկական մտածողությանը տիրապետելու միջոցով: Այսպես նրանք չեն կարողանա իրականացնել իրենց առջև ծառացած բարդ և պատասխանատու խնդիրները՝ պատշաճ մակարդակով, իսկ այդ խնդիրները մեծ են, րազմազան: Գլխավոր խնդիրներից մեկը գիտահետազոտական աշխատանքի իրականացումն է տեսական բարձր մակարդակով, փաստական հարուստ նյութերի հիման վրա կատարվող գիտական վերլուծության մեջ, նոր խոսք ասելու ձգտումով և ուսումնասիրությունը կյանքի արդի պահանջներին իսպաս դնելու գործնական նպատակամղումով: Մեծ է մարդկային գործունեի դերն ու նշանակությունը և դա հանգում է կադրերի պատրաստման պրոբլեմին: Այստեղ ևս թերությունները զգալի են: Ասպիրանտուրա ընդունվելու համար դիմորդների թիվը նվազել է: Պետք է վերլուծել դրա պատճառները և վերացնել դրանք: Թույլ է օգտագործվում այնպիսի կարևոր հնարավորությունը, ինչպիսին է կադրեր պատրաստելու նպատակային ասպիրանտուրայի միջոցով: Անհրաժեշտ է բարձրացնել ասպիրանտների, ինչպես և նրանց ղեկավարների պատասխանատվությունը: Ասպիրանտները ժամանակին չեն պաշտպանում իրենց գիտերտացիաները: Նվազել է դոկտորական դիսերտացիաների պաշտպանություն քանակը, անհանգստացնող շափերով բարձրացել է գիտական աշխատողների միջին տարիքը: Կադրերի պատրաստման գործում մեծ կարևորություն է ներկայացնում բազմակողմանի իմացություններ ունեցող գիտական աշխատակիցների պատրաստումը:

Գիտական-գաղափարական աշխատանքի առավել կարևոր բնագավառներից է, այնուհետև ասաց Բ. Առաքելյանը, ինտերնացիոնալ և հայրենասիրական դաստիարակության բնագավառը: Մշակվել են հայ-ռուսական հարաբերությունների մի շարք հարցեր, միջոցառումներ ռուսական մշակութի ուսումնասիրության, հայ-ռուսական բարեկամության մեղմոտ գտնվող հուշարձանների թվի բազմացման և դրանք խնամքով պահպանելու ուղղությամբ: Մշակվել է ծրագիր Անդրկովկասի երեք ակադեմիաների համատեղ աշխատանքների և եղբայրական ժողովուրդների բարեկամության

ամրապնդման նպատակով: Սակայն հաջողությունների կողքին քիչ չեն նաև թերություններն. ու թերացումները: Անհրաժեշտ է ավելի լայն և խոր աշխատանք ծավալել հայ ժողովրդի արդի պատմության վերլուծական լուսաբանության, նրա տեսական իմաստավորման բնագավառում, ինչպես և մեր ժողովրդի պատմության նվազ ուսումնասիրված դարաշրջանների վրա: Այժմ հրապարակ են եկել մեր ժողովրդի պատմությունը խեղաթյուրող որոշ տեսակետներ՝ հայ ժողովրդի կազմավորման, մանավանդ Ուրարտական պետության վերաբերյալ: Կան նաև Անդրկովկասի ժողովուրդների պատմությանը վերաբերող և դարավոր հարեվան ժողովուրդների բարեկամության համար աննպաստ աշխատություններ, հրատարակված Աղբյուրանական ՍՍՀ-ում, նաև՝ Վրացական ՍՍՀ-ում: Տեղին է ակադեմիկոս Գ. Գալստյանի առաջարկը, որ նման երևույթները կարելի է կանխել աշխատությունների համատեղ քննարկմամբ՝ մինչև դրանց հրատարակումը, իսկ արդեն հրատարակվածները նույնպես պետք է համատեղ քննարկվեն և զրախոսվեն շրջահայաց ու հիմնավոր եղանակով:

Բ. Առաքելյանը խոսեց նաև գիտական քանակիճերի կազմակերպման, ինստիտուտների բաժիններում, գիտական խորհրդի նիստերում տպագրության հանձնարարվող աշխատությունների գիտական հիմնավոր քննարկումների, հրատարակված գրքերի հրապարակային քննարկումների, աշխատությունները հրատարակության երաշխավորող գրախոսողների պատասխանատվության բարձրացման, աթեիզմի գիտական պրոպագանդման, հայ եկեղեցու՝ մարքս-լենինյան քննական պատմությունը ըստնեղծելու անհրաժեշտության մասին, անդրադարձավ գիտնականների սոցիալ-տնտեսական սպասարկման բնագավառին:

ՍՄԿԿ ՏԽՄԻ համագումարը, իր զեկուցման մեջ ասաց Գ. Բեռլանդը, գիտնականներից պահանջում է նոր մտածելակերպ, նոր ոճ: Այդ նորը ես տեսնում եմ այն բանում, որ մենք պետք է վերակառուցենք ինստիտուտների աշխատանքները և՛ կառուցվածքի, և՛ գիտահետազոտական աշխատանքների թեմատիկայի, և՛ վերջիններիս պլանավորման տեսանկյունից: Բաժանմունքի ինստիտուտները զգալի աշխատանք են կատարել այս ուղղությամբ: Այսպես, ՀՍՀ ԳԱ փիլիսոփայության և իրավունքի ինստիտուտն ունեցել է 8 բաժին և 1 լաբորատորիա, այժմ ունի 6 բաժին, 2. Աճառյանի անվան լեզվի ինստիտուտն ունեցել է 11 բաժին և 1 լաբորատորիա, այժմ ունի 10 բաժին, Մ. Արեգյանի

անվան գրականության ինստիտուտն ունեցել է 6 բաժին և 1 պրոբլեմային խումբ, այժմ ունի 7 բաժին, Արվեստի ինստիտուտն ունեցել է 7 բաժին, 1 խումբ և 1 կենտրոն, այժմ ունի 6 բաժին և 1 կենտրոն:

Կառուցվածքային փոփոխություններին զուգընթաց զգալի փոփոխություններ է կրել նաև բաժանմունքի ինստիտուտների գիտահետազոտական աշխատանքների թեմատիկան: Մշակվել են միջոցառումների մի շարք համալիր պլաններ ռուսական մշակույթի, հայ-ռուսական մշակութային կապերի զարգացման, անդրկովկասյան հանրապետությունների մասերի և հակապրոպագանդայի, հանրապետության աշխատավորների ինտերնացիոնալ և աթետիստական դաստիարակության ուղղությամբ: Ի դեպ, ՍՍՀՄ փոխտնտեսական ընկերության հայկական բաժանմունքում ստեղծվել է աթետիստական մասնաճյուղ, որը նախապատրաստել և շուտով հրատարակության կհանձնի աթետիստական հարցերին նվիրված ժողովածու:

Ալեուհանե Գ. Բրուսյանը խոսեց վերջին տարիների ընթացքում բաժանմունքի ինստիտուտների ձեռք բերած զգալի հաջողությունների մասին, անդրադարձավ աշխատանքներում եղած թերություններին: Մենք, ասաց զեկուցողը, դեռևս հետևողականորեն չենք կարողանում իրականացնել նոր մտածելակերպի, նոր ոճի պահպանները, որին խոչընդոտում է երկար տարիների ընթացքում ամրագրված ստերեոտիպը: Մեր գիտաշխատողներն ունեն իրենց սեփական թեմաները, որոնք կատարում են իրենց ուժերով: Սակայն գիտությունը զարգանում է և առաջադրում նոր համալիր թեմաներ, որոնց իրագործումը պահանջում է կոլեկտիվ ուժեր: Գիտության զարգացման միտումը կոլեկտիվ աշխատանքներն են, որոնք գրեթե չեն իրագործվում մեր ինստիտուտներում: Մենք թեև ունենք կոլեկտիվ աշխատանքների պլաններ, սակայն արմատական խզում գոյություն ունի ելքի և մուտքի միջև: Մուտքը կոլեկտիվ է, ելքը՝ մենագրական: Հարկ է ասել նաև, որ դեռևս կոլեկտիվ աշխատանքներ չեն կարող կոչվել այն ժողովածուները, որտեղ չկա մտահղացման միասնություն: Միասնական կոնցեպցիայի մշակմանը զգալիորեն կարող են օգնել տեսական սեմինարները, որտեղ մըշակվում է պրոբլեմի մտահղացման և լուծման միասնական եղանակ:

Գ. Բրուսյանը անդրադարձավ գիտահետազոտական աշխատանքների պլանավորման գոյություն ունեցող ձևին, նշեց, որ այն հաջող չէ: Մենք պետք է նախ որոշենք, թե գիտությունը զարգացումը ինչ նոր պահանջներ է

գնում մեր առջև, պետք է պարզենք, թե ՀՍՍՀ-ի համար որ պրոբլեմի լուծումն է առաջնակարգ խնդիր, ինչ ուժեր ունի հանրապետությունը այդ պրոբլեմների լուծման համար, և ապա նորմալ ինստիտուտներին տանք առաջադրանքներ: Այդ պրոբլեմների լուծման համար ինստիտուտներում պետք է ստեղծվեն պրոբլեմային խմբեր, որոնցում պետք է ընդգրկվեն ոչ միայն ինստիտուտների, այլև հանրապետության ալլ հիմնարկների համապատասխան մասնագետները: Գիտության զարգացումը պահանջում է հարցին մոտենալ ահա այս տեսանկյունից: Մենք հաճախ ենք խոսում գիտահետազոտական թեմաների արդիականության մասին, Սակայն թեմաների արդիականությունը չպետք է հասկանալ ձեռնարկներ: Արդիականությունը նաև անցյալն այսօրվա տեսանկյունից ներկայացնելն է:

Մեծ անելիքներ կան հայագետների պատրաստման գործում: Շատ երկրների խոշոր բուհեր ունեն հայագիտական կենտրոններ, որոնց դասավանդվում է գրաբար, հունարեն, օտար լեզուներ: Մեզ մոտ ապագա հայագետները նույնպես պետք է լավ տիրապետեն գրաբարին, հունարենին, լատիներենին, անգլերենին: Ի դեպ, մեկ օտար լեզուն շատ քիչ է: Հայագիտության պրոբլեմներով պետք է զբաղվել ժամանակակից տեսության մակարդակով: Մեր հայագիտական հետազոտությունները պետք է համապատասխանեն միջազգային լաֆանիշներին, երևանը պետք է լինի հայագիտության խոշորագույն կենտրոնը ամբողջ աշխարհում, այնպես այլ երկրների հայագիտական կենտրոնները կարող են մեզանից խլել այդ մենաշնորհը, եթե մենք լուրջ փոփոխություններ չմտցնենք հայագետների պատրաստման գործում:

Վերջում Գ. Բրուսյանը խոսեց հասարակագիտական ինստիտուտների նյութատեխնիկական դեռևս անբավարար ռազայի մասին: Նա հատուկ ուշադրություն հրավիրեց գիտության աշխատողների ուժերի խնայողության և այն նպատակային օգտագործելու հարցի հրատապության վրա:

Զեկուցումների շուրջը ծավալված մտքերի փոխանակությանը մասնակցեցին ՀՍՍՀ ԳԱ ակադեմիկոսներ Ա. Առաքելյանը, էդ. Զրբաշյանը, Գ. Զաքարյանը, ՀՍՍՀ ԳԱ թղթակիցանդամներ Ռ. Զաքարյանը, Գ. Սարգսյանը, պատմական գիտությունների դոկտորներ Հ. Ալիև-Արսլանը, Խ. Բաբայանը, փոխտնտեսական գիտությունների դոկտոր Ս. Թովմազյանը: Ներառյալ խոսեցին հասարակագիտական բաժանմունքների գիտական համագործակցության,

Հասարակական գիտությունների ընդգնացման մեքենայական, հաշվիչ տեխնիկայի կիրառման անհրաժեշտության, գիտնականների ժամանակի և ուժերի խնայողության, աշխատանքների կոորդինացիայի, բաժինների վերակառուցման, հրատարակվող գրքերը միջազգային շրջանառության մեջ գնելու, հայ ժողովրդի ծագման ու կազմավորման, ինստիտուտների միջազգային գիտական կապերի, երիտասարդ կադրերի պատրաստման, ասպիրանտների աշխատանքի տեղավորման, տեսության և պրակտիկայի մերձեցման հարցերի, մարդկային գործոնի ար-

դյունավետության էական բարձրացման հարցի հետ սերտորեն կապված պարզեցաորության, խրախուսման ֆոնդի օգտագործման, հրատարակչական գործի արմատական բարելավման, պոլիգրաֆիական անհրաժեշտ բազայի ստեղծման անհրաժեշտության մասին:

ՀՍՍՀ ԳԱ Հասարակագիտական բաժանմունքների միացյալ ժողովի աշխատանքներն ամփոփեց Հայկական ՍՍՀ ԳԱ պրեզիդենտ, ակադեմիկոս Վ. Համբարձումյանը:

Միացյալ ժողովը բննարկված հարցերի շուրջ ընդունեց համապատասխան սրողում: